

四庫明人文集卷四

歸震鬱

洲

田澤

遺

稿集稿

上海古籍出版社

四庫明人文集叢刊

歸田稿

(明)謝遷撰

震澤集

(明)王鏊撰

鬱洲遺稿

(明)梁儲撰

上海古籍出版社

滬新登字109號

四庫明人文集叢刊

歸田稿

(明)謝遷撰

震澤集

(明)王鏊撰

鬱洲遺稿

(明)梁儲撰

上海古籍出版社出版

(上海瑞金二路272號)

上海書店上海發行所發行 上海古籍印刷廠印刷

開本787×1092 1/32 印張19.5 插頁4頁

1991年12月第1版 1991年12月第1次印刷

印數:001—500

ISBN 7 - 5325 - 1174 - X

I 565 定價 25.30 元

出版說明

《四庫全書》集部別集類收錄明代各個重要時期的二百三十二位作家的近三百種詩文集。現據文淵閣本全部匯編成《四庫明人文集叢刊》。

這套叢刊所收文集作者，既有蜚聲文壇的衆多著名文學家，也有活躍在政治、學術等領域的重要人物，他們的詩文集涉及到明代社會的各個方面，是研究明代的原始資料或重要參考書。《四庫全書》編修者為每種文集撰寫提要，評介作者、內容及版本等，亦有參考價值，今一併附載。又各冊頁碼前均有該冊在影印《文淵閣四庫全書》中的冊數，今不作改動。

上海古籍出版社

一九九一年五月

本册目次

鬱 震 歸
洲 澤 田
道
稿 集 稿

明 明 明
梁 王 謝
儲 鑒 遷
撰 撰 撰
……
五 一 一
二 九 九
九

欽定四庫全書

集部
歸田稿卷二

詳校官中書_臣瞿_照

中書_臣劉源溥_{獲勘}

總校官進士_臣繆_琪

校對官檢討_臣李學錦

勝錄監生_臣林紹龍

欽定四庫全書

集部六

歸田稿

別集類五
明

提要

_臣等謹案歸田稿八卷明謝遷撰遷字子喬餘姚人成化己未賜進士第一授修撰歷官戶部尚書謹身殿大學士贈太傅謚文正事蹟具明史本傳遷之在內閣也與劉健李東陽同心輔政史稱其秉節直諫見事明敏天下稱為賢相庶乎能以道事君者其文集全稿以嘉靖中倭亂被燬此乃其致仕以後及再召時所作自題曰歸田稿以授其子至者國朝康熙中其七世孫大名府同知鍾和復加釐輯梓而傳之集中奏疏類多晚年陳謝之作而在朝時嘉謨諫論均已亡佚無存即以史所稱請罷進妃嬪禁約內官諸疏卓卓最著者而亦不在其間則其散失者當復不少

欽定四庫全書

歸田稿

總校官 臣 陸 費 墀

總纂官 臣 紀 昀 臣 陸 錫 熊 臣 孫 士 毅

然遽當歸里以後正劉瑾焦芳等挾怨修郅
日在危疑震懼之中而所作詩文大抵詞旨
和平惟惓惓焉托江湖魏闕之思以冀其君
之一悟老臣憂國之心實有流溢於不自覺
者讀者知其忠悃所存固毋庸以文字之工
拙論矣乾隆四十四年七月恭校上

欽定四庫全書

歸田稿卷一

明 謝 遷 撰

奏疏類

謝存問疏

致仕少傅兼太子太傅禮部尚書武英殿大學士臣謝
遷謹奏為謝恩事臣遭伏蒙聖恩賜勅遣官存問且加
賜羊酒與總官廉臣遷誠惶誠恐稽首頓首拜受竊念

臣本菲才誤蒙孝宗敬皇帝知遇之隆顧託之重欲圖
報稱勉竭鵠庸不自知其力之不足既而格心無術輔
導罔効引身退避杜門省愆俯仰懷慚罪責難追分與
草木同腐幸而溝壑未填茲者伏遇皇帝陛下天啓聖
明嗣承大統一新萬化雷動風行凡在疲困之徒咸遂
更生之願如臣衰朽特矜聖慈不加負國之誅重錫優
老之典寵命下及慚懼交并顧茲垂暮之年諒無圖報
之日惟有一言獻納庶幾少効涓埃臣聞傳說之告高

宗曰學于古訓乃有獲又曰監于先王成憲其永無愆此誠告君之至言為君之要道也自今觀之所謂古訓者二帝三王之典謨訓誥及諸經史之所載者是已成憲者聖祖神宗之典章法度凡今諸司所職者是已仰惟陛下聖性之脗哲固出于生知而聖德之成就必資乎問學經筵儒臣分直進講所以薰陶涵養者在是燕閒之時尤博覽羣籍以廣見聞苟有疑義難明即召勸講之臣而賜質問務求通解戒一暴十寒之失積日就

欽定四庫全書

卷一

月將之功則聖學緝熙而聖德之成可以追踪古昔帝王之盛近代不足言矣我朝祖宗之法斟酌古今之宜諸司而能恪守萬世可以常行奈何世遠人亡政久弊積漸失其初者有矣聰覽之際謂宜申飭百司講求成憲苟有窒礙難行即名執政之臣面加商確務合舊制究詰舛訛之端振革廢弛之弊則聖政有恒而聖治之成可以紹休聖祖神宗之盛垂裕于無疆矣夫一日萬幾固未易縷陳而一心萬化惟在于知要臣故特舉君

道之至要以裨聰明之萬一其他軍民利病政治缺失陛下明詔許諸人直言無隱況以言為職者林立于廷必能為陛下次第陳之惟望留神省覽不以疎淺而或遺不以拂逆而見拒則宗社幸甚生靈幸甚臣受恩深重不勝瞻仰懇切之至為此具本專令長男謝正齋抱赴京謹具奏聞伏候勅旨

謝時加存問疏

致仕少傅兼太子太傅禮部尚書武英殿大學士臣謝

欽定四庫全書

卷一

遵謹奏為謝恩事臣先蒙聖恩賜勅遣官存問具本令長男正齋抱赴京謝恩荷蒙聖慈溫旨慰諭褒獎過情且錄蔭臣男正為中書舍人隨該正以母徐氏病故在家具本乞恩終制復蒙聖恩欽賜臣妻徐氏蔭祭并蠶糧麻布之賻近又該都御史何天衢奏為優老乞言以裨聖政事濫及臣名節該欽奉聖旨還著有司時加存問陛下卹臣之私既及臣子又及臣妻而于臣之微軀尤荷軫念猥厯告存仰惟天地涵育之仁不遺棄朽顧

臣桑榆垂迫之景莫報恩私惟追瞻闕廷勉効蒿祝而
已為此具本令男亘齋抱赴京謝恩臣不勝懇悃之至
謹具奏聞伏候勅旨

辭免恩命疏

致仕少傅兼太子太傅禮部尚書武英殿大學士臣謝
遵謹奏為衰病陳情辭免重命事臣某伏蒙聖明因大
學士楊一清等論薦特遣行人齋勅召臣又命鎮守巡
按等官來即臣家敦趣起程臣聞命驚惶罔知收措竊
欽定四庫全書

卷一百四十五

四

臣本以駑劣之資昔叨重任負孝宗敬皇帝顧託之命
死有餘責皇上嗣承大統之初不即誅戮曲加恩禮存
問優恤有隆無替臣銘心刻骨圖報無由茲又渙頒寵
命賁及丘園起臣于衰廢之餘欲還臣于密勿之地且
許以優逸預斷辭章異數殊恩自昔罕比臣非木石寧
不感激思奮奈臣犬馬之年垂及八旬疾病侵尋衰憊
已甚耳目之視聽不真手足之動履欠便加以痰嗽眩
暈不時交作摧殘無用之狀實有難盡言者雖欲勉強

就道誠恐委頓不前反累陛下優老之仁莫副陛下虛
席之意且以一清等之所推薦勅旨之所期待臣自揣
淺薄雖在強壯之時亦非敢當況今衰殘如是之甚乎
臣是以趨趨縮縮惡寢食靡寧慚汗憂惶措身無地遙瞻
天闕徒切馳懇而已恭惟皇上英明天縱聖德日新寤
寐求才宵旰圖治此誠雲龍風虎之會而臣以桑榆景
迫犬馬力疲不能就攀鱗附翼之列咎嗟感泣不能自
已伏望聖明諒臣愚衷哀憫臣朽腐容臣辭免恩命俾得
欽定四庫全書

卷一百四十五

五

乞恩仍賜歸休疏

致仕少傅兼太子太傅禮部尚書武英殿大學士臣謝
遵謹奏為懇辭重命事臣昔濫叨任使奉職無狀引疾
乞休踰伏海濱二十有餘年矣誤蒙聖明軫念名命下
臨臣自知衰病不堪已嘗具本辭免伏蒙溫旨慰諭且

命有司敦趣臣感荷殊寵莫報涓埃只得力疾奔馳不
遑他恤幸獲進趨闕下仰瞻天顏慶忭之私無可云喻
退自省念慚懼交并恭惟皇帝陛下聖明天啓政化日
新方將展古昔帝王之大猷廣祖宗列聖之丕緒惟茲
密勿之寄必需卓越之才如臣庸劣衰頹豈宜謬玷行
列此臣密知愚分實非榮飾虛詞伏望聖慈俯垂於察
仍賜歸休庶不貽覆餗之譏以負虛席之意臣不勝懇
悃之至謹具奏聞伏候勅旨

欽定四庫全書

奏稿四庫

辭免新職疏

致仕少傅兼太子太傅禮部尚書武英殿大學士臣謝
遷謹奏為辭免新命事臣以庸劣衰殘勉趨召命自懼
不堪重任懇乞賜歸伏蒙皇上不輕棄遺益隆恩寵既
奉溫旨慰諭又蒙特勅吏部陞臣戶部尚書謹身殿大
學士臣聞命戰兢措身無地竊念臣自退休田里優游
散逸二十餘年今方進趨闕廷未及勉効分寸而遽叨
殊錫雖欲強顏承受寧不內懷慚悚臣感荷聖恩思圖

報塞萬一再不敢固求賜歸但乞容臣辭免新陞職銜
仍以舊銜供職庶幾心安理得可以圖効涓埃臣不勝
懇悃之至謹具奏聞伏候勅旨

陳政事疏

少傅兼太子太傅戶部尚書謹身殿大學士臣謝遷謹
題為獻納事臣以庸劣衰朽不能仰稱任使累疏乞休
未蒙俞允竊自思念無可以報厚恩敢陳一得之愚冀
効涓埃之益恭惟皇上赫然勵精銳意更化深懲寬慢
之弊痛革黨比之私此誠大有為之資不世出之主臣
愚何幸躬逢其盛然臣嘗聞之君道固貴乎剛居上以
寬為本求治不可太急更張亦須有漸若驟加嚴迫恐
惶駭失措者多矣且為政惟在得人人才亦甚難得若
棄短取長則人皆可用小過不宥則下無全人況更易
頻數則人無固志苟圖免責事亦難就緒矣臣願陛下
大擴天地之量少霽雷霆之威明察之餘濟以寬簡剛
斷之際加以含弘廣招賢之門開自新之路使有過者

欽定四庫全書

奏稿四庫

可以改悔不及者可以勉力至于用舍之際務合衆論之公如此則人不乏用事功可成矣陛下以納誨輔德待臣臣願陛下成雍熙太和之治故不敢不盡其愚伏望聖明俯賜採納豈惟愚臣之幸實宗社主靈之幸也謹具題以聞

求納諫疏

少傅兼太子太傅戶部尚書謹身殿大學士臣謝遷謹題為獻納事臣退休衰耄分與草木同腐荷蒙聖明篤

欽定四庫全書

第一編

念舊臣特勅召用不容辭避且待臣以納誨輔德之任夫朝夕納誨以輔台德此商高宗之所以待傳說者也顧臣庸陋何敢妄希古人然思無以仰答陛下之殊遇因敢竊取古人之緒餘以獻傳說之告高宗曰木從繩則正后從諫則聖后克聖臣不命其承疇敢不祇若王之休命蓋謂君德莫先于納諫君能納諫則臣下不待命令而信從矣天啓聖明嗣承大統從諫如流天下稱聖既而進言者執見或謬拂逆過甚致有齟齬間隔而

近來諫諍之言日益稀矣此固臣下不能將順聖德之過也臣又嘗聞伊尹之告太甲曰有言逆于汝心必求諸道有言遜于汝志必求諸非道蓋謂鯁直之言人所難受異順之言人所易從難受者未必皆非故必求諸道不可遽以逆于心而拒之易從者未必皆是故必求諸非道不可遽以遜于志而從之蓋欲矯乎情之偏也臣愚伏願陛下兼聽廣納于諸逆耳之言曲賜優容以作忠直之氣于諸遜志之言詳加審察以遏諛佞之風

欽定四庫全書

第一編

乞賜歸休疏

少傅兼太子太傅戶部尚書謹身殿大學士臣謝遷謹奏為衰老陳情乞賜歸休事臣犬馬之齒今年已八十矣去歲誤蒙聖恩特勅召用不容辭避臣勉強趨忘其力之不足既獲瞻覲天顏恭謝恩命自惟衰殘昏耄無以仰副驅策即欲懇乞歸休伏蒙皇上不棄驚朽進

臣戶部尚書謹身殿大學士職銜照舊內閣辦事旋復
憫臣拜起艱難免臣常參異寵殊恩益深感激龜勉從
事又自入朝以來仰見皇上聖德天縱而日新聖學輝
熙而罔間銳意更化夙夜勵精此誠千載之奇逢也臣
雖無似亦欲思依日月之光以觀雍熙之治奈病隨年
至力與年衰視聽不真動履欠便又况眩暈時作神思
不清今就列備員已更時月而納誨輔德莫效涓埃雖
皇上不咎素餐臣心能不自愧乎伏望聖慈曲賜矜憫

欽定四庫全書

歸田稿

十

謹具奏聞伏候勅旨

再乞歸休疏

少傅兼太子太傅戶部尚書謹身殿大學士臣謝遷謹
奏為衰病懇乞歸休事臣以年衰力憊不能仰稱任使
具本乞休伏蒙聖旨朕圖任老成贊弘化理卿先朝耆
舊德器才識公論素孚召用未久方切倚毗况精力未

衰豈可遽求休致宜即出供職盡心輔導以副朕懷所
辭不允吏部知道欽此臣仰承恩命益深慚懼竊念臣
迂愚無似休退有年自分與草木同腐而已猥蒙皇上
不輕棄遺起臣于衰廢之餘還臣于密勿之地實出望
外臣當鞠躬盡瘁圖報恩私使臣能効涓埃之益則雖
捐軀殞首臣亦何敢自愛奈臣衰頹已甚槁木不殊而
謬玷崇班虛糜厚祿此臣所以朝暮懷慚不能自己者
也仰惟皇上英明天縱赫然勵精寤寐求賢共圖化理
今調燮重任已甚得人而臣以朽腐無用之資濫廁其
列誠不足為有無若復苟且淹延不求退避則尸位素
餐之誚必不能免而妨賢病國之罪亦將何所逃乎伏
望聖慈俯察愚衷蚤賜俞允使臣得生還故里則未盡
之年皆陛下之賜也臣冒瀆宸聰無任戰慄之至謹具
奏聞伏候勅旨

欽定四庫全書

歸田稿

十一

謝恩疏

少傅兼太子太傅戶部尚書謹身殿大學士臣謝遷謹

奏為謝恩事臣昨以衰病乞休荷蒙溫旨慰諭未即賜
先情不獲已再疏懇乞復蒙聖旨卿兩疏乞休情詞懇
切朕所深諒但朝廷任賢求舊卿碩德舊臣方切倚任
豈可固求休退宜即供職不先所辭欽此即又重荷聖
慈軫念命太醫院官診視用藥又命內臣頒賜酒肉米
蔬等物又命鴻臚寺官來家宣諭殊恩異數倍萬常倫
臣感極而泣不能自己即欲詣闕稱謝勉強供職以圖
報涓埃奈臣痰火眩暈之疾舉發無時恐或顛仆階墀
貽笑班列是以趑趄縮慙尚在調理謹先具本謝恩竊
念臣年既耄身已衰甚病非外感藥物難療每自忖度
朝不保暮恐終無以報塞厚恩伏望聖慈曲垂矜憫蚤
賜允俞俾得生還故里則始終成全之恩沒齒豈敢忘
哉臣無任懇悃之至謹具奏聞伏候勅旨

三乞歸休疏

少傅兼太子太傅戶部尚書謹身殿大學士臣謝遷謹
奏為懇切陳情乞賜歸休事臣以衰病昏耄不能仰稱

欽定四庫全書

卷一百一十五

三

任使累疏乞休荷蒙溫旨慰諭未即賜允即又重荷聖
慈命太醫院官診視用藥又命內臣頒賜酒肉米蔬等
物又命鴻臚寺官來家宣諭皇上篤念舊臣不忍輕棄
恩禮優渥有加無已而臣不能圖報萬一是以面熱內
慚寢食俱廢惟乞身引退庶可少贖負恩之罪隨即具
本陳謝復申前懇乃又節蒙聖旨如病痊可宜照前旨
即出供職以副朕名用倚毗至意不必固辭欽此臣聞
命戰兢益切慚懼已於今月十六日力疾入朝陛謝思
欲勉強供職圖効涓埃奈痰嗽眩暈之疾忽復交作動
虞顛仆不能支持臣年既衰邁病復纏綿雖欲苟延不
過虛糜廩祿而曠職怠事之咎抑將何所逃乎臣是以
不避煩瀆冒昧懇陳伏望聖慈曲垂矜憫蚤賜允俞俾
臣得遂生還之願則始終成全之恩真與天地同其大
矣臣不勝懇悃之至謹具奏聞伏候勅旨

四乞歸休疏

少傅兼太子太傅戶部尚書謹身殿大學士臣謝遷謹

欽定四庫全書

卷一百一十五

三

奏為懇陳愚悃乞賜殘軀事臣以老病乞休再四陳懇伏蒙聖旨朕以卿先朝耆舊況輔臣所薦特虛席以待其所倚毗非輕望以匡弼朕躬贊襄化理卿屢屢為辭固欲求去大臣事君當以竭誠盡心為忠舍邪從正為本庶可引君當道為善治以福斯民卿宿儒博學理慾公私豈不曉然可勿以去為辭即出辦事副朕求舊名用之意欽此臣聞命驚惶不勝感泣皇上所以俯念老臣者禮遇優崇慰諭諄切天高地厚之恩有隆無替顧臣何人可以當此臣遵奉聖諭敢不痛自修省仰承德意即欲勉強供職圖効涓埃奈臣犬馬之年已及八十元氣虛耗疾病交侵手顫足痿目昏耳聾疲鬱氣逆胸膈痞懣而眩暈顛仆時切懷憂朝夕不能自保恐難久于人世此臣之所自知而急欲求去者也若年力尚可支持而崇飾虛詞苟求安便則臣之罪無所逃矣恭惟皇上好生之德真同天地優老之仁遠邁帝王臣是以敢冒昧陳懇煩瀆宸聽伏望聖慈曲垂矜憫蚤賜允俞

俾臣垂盡之齡得全歸于首丘而未朽之骸不預越于道路則臣雖不能圖報于生前亦當感恩于地下矣臣不勝激切仰望之至謹具奏聞伏候勅旨

謝恩疏

少傅兼太子太傅戶部尚書謹身殿大學士臣謝遷謹奏為謝恩事臣以耄老病懣懇乞歸休荷蒙聖慈憫念特賜允俞而寵禮優渥體恤周備已不勝感激今日蚤陞辭復蒙加賜白金襲衣文綺寶鉞以為歸榮聖主所以惠養老臣者無所不用其至誠天高地厚之恩也臣稽首頓首拜受訖顧臣桑榆景迫已無圖報之日即今違離闕廷徒切戀慕惟迴瞻北極祝聖壽千萬年尤願慶協前星綿本支于億世此臣區區犬馬之忱沒齒不能少忘也謹具本稱謝以聞

歸休謝恩疏

致仕少傅兼太子太傅戶部尚書謹身殿大學士臣謝遷謹奏為謝恩事臣以年邁力疲不能仰承任使懇乞

退休荷蒙聖慈憫念曲賜允俞厚加恩典且命臣男中書舍人正護送還鄉臣以垂盡之齡幸叨恩庇遂得道路無虞生還故里苟延殘喘以終餘年仰惟皇上優老之仁真同天地而臣以朽腐之質莫報涓埃還家以來捫心自愧惟朝暮引領遙瞻天闕虔祝聖壽無疆同天長而地久更願聖學罔間務日就而月將用康九有之生靈益隆萬年之宗社此臣區區犬馬之忱也謹因臣男正回還具本令其齋抱赴京少申謝悃謹具奏聞

欽定四庫全書

卷一百一十五

十五

謝恩疏

致仕少傅兼太子太傅戶部尚書謹身殿大學士臣謝遷謹奏為謝恩事嘉靖七年閏十月初六日臣本府官欽遵詔旨恩例備絲帛羊酒來家問勞天寵光被閭里歡騰臣不勝感戴謹稽首頓首登拜領受訖恭惟皇上孝治天下尊親爰舉嘉章加崇徽號又推廣孝之道誕敷錫類之仁詔示萬方恩覃庶類甚盛典也臣以衰朽之質荷涵育之慈方遂歸休躬逢嘉會濫叨殊錫覓出

常倫何幸如之愧不能趨觀闕廷隨班慶賀仰瞻宸極馳情祝頌而已伏願皇上純嘏天錫益隆至養千萬年聖治日新永得歡心于萬國臣不勝懇悃之至為此具本令弟謝遜齋抱赴京謝恩謹具奏聞

謝恩疏

致仕少傅兼太子太傅戶部尚書謹身殿大學士臣謝遷謹奏為謝恩事臣某伏蒙聖恩以明倫大典書成特差鴻臚寺序班楊孫元頒賜臣一部天寵光被閭里歡

欽定四庫全書

卷一百一十五

十五

騰臣不勝感戴謹稽首頓首登拜領受訖恭惟皇上誕膺天命纂承大統倫序素定普率歸心誠非前代嗣統之君所可擬倫者也皇上德隆孝治禮重尊親明倫大典之作昭揭萬古之綱常式成一代之典則此誠大聖人之制作非尋常膚淺之見所能仰窺者也臣質本迂愚年復衰耄往歲強趨召命旋乞歸休重荷聖慈憫念俯賜允俞雖嘗濫叨總裁之命未能少効微勞及至書成進御之時不獲追隨班列上辜恩遇內省慚惶念茲

寵錫自天臣實措躬無地禮當詣闕稱謝而又衰病不
前謹具本令男謝旦齋抱赴京謝恩臣遙瞻闕廷無任
戀慕之至謹具奏聞

欽定四庫全書

歸田稿

六

歸田稿卷一

欽定四庫全書

歸田稿卷二

序類

明謝遷撰

山庄唱和小序

是歲夏雪湖三過余杏庄夏初迄仲頗有旱暵之虞既
而連得雨農事孔嘉且雨中倍涼爽吾兩人相與盤桓
甚適時復賡一詩為樂韻仍舊而意彌新各得詩二十

欽定四庫全書

歸田稿

一

四首而別別後餘興相往復又各得四首時則夏季向
秋早復如初夏故其間不能無憫農之意也自予歸汝
曲閒中與雪湖以文字相娛唱和不少今夏會尤數詩
尤多故特錄為一卷後會有作當更續書之也時甲戌
六月晦日木齋識

湖山唱和序

予既謝事歸養病海暇知舊多疎絕蓋以零落殆盡間
有存者亦相逖逾時經歲不獲一聚首雪湖素莫逆居

甚適且強健無恙日相與往還雪汝兩湖之間山水頗
幽勝盤桓不厭雪湖工于詩酷好吟咏興至時輒有作
予雖拙強而企焉有唱斯和因以為樂不知老之將至
也居無何予橫罹罪累戒吟思咎于時雪湖亦有母夫
人之憂杳然絕響者幾三載洎予蒙寬宥雪湖亦從吉
乃復作積久遂盈卷帙蓋雖消閒遣興而其間懷君愛
國憫世憂時之意亦自有不容已者吾邑尹劉侯應徵
知吾二人之有是也強索觀之不以為蕪陋輒令從事

欽定四庫全書

詩四編
卷二

二

史錄之以去將以供燕覽且請予識其顛末予不能拒
也嗟夫杲詩以觀民風固王政之大端國風所陳無間
美惡非徒然也去古既遠有司者從事于簿書期會之
間日不暇給能者亦不過取辦承應苟免督責而已矣
其知觀風審音不以為不急之務而殘棄焉者幾何人
哉不圖今日乃于吾劉侯得之良可嘉也吾輩詩雖無
足采然間閭之疾苦稼穡之艱難施措之缺失苟因其
端而推見其至以究心于其間則亦豈非善政之一助

也哉夫然則侯之高文好古誠不為虛飾而吾輩之吟風
弄月亦不為無用矣詩凡若干首為二卷聯句若干首
并附錄焉

會老嘉話序

官保大司寇兼都憲兩峯洪公其先上虞人也今年秋
自杭城歸展先塋既竣事乃訪予海濱予初與公同進
士第意氣孚合相視如弟兄宦路周旋餘三十載迄予
謝事歸道經淮揚值公以巡撫之節兼總漕運留戀不

欽定四庫全書

詩四編
卷二

三

忍含慨然以女許配吾子亘遂締姻盟後五年公總師
川陝荆洛旋休致歸杭公女不幸殤折然時節間遺不
廢往還公二子靜夫鉅夫亦視吾諸子如昆弟通家眷
愛之情有加杭城去吾邑僅三百里乃有錢塘曹娥餘
姚三江之隔舟車跋涉良艱欲與公一晤言不可得停
雲之歎恒切于懷聞公來喜不自勝亟遣吾子正丕往
候于上虞途次且邀憲副雪湖馮公過予山庄出高橋
同近之雪湖吾姻家老契與公同鄉薦同官秋曹素英